



AMUS

ASOCIJACIJA  
MUSIČARIMA  
SRPSKE  
SRBIJE

ASOCIJACIJA  
MUSIČARIMA  
SRPSKE  
SRBIJE

ASOCIJACIJA  
MUSIČARIMA  
SRPSKE  
SRBIJE

**SKUPŠTINA**  
23.10. - 15H

PREDNOSTI  
IZMJENA I DOPUNA  
STATUTA  
AMUS-a

---

# I – Prije Izmjena i dopuna Statuta AMUS-a

AMUS ima oko hiljadu članova. Svaki od tih članova ima pravo da prisustvuje, učestvuje i glasa na sjednici Skupštine AMUS-a. Do sada niti na jednu Skupštinu nije došlo više od 150 članova. Iz razloga što većina članova nije zainteresovana da dolazi na Skupštine, u Statutu je morao biti predviđen apsurdno nizak kvorum od svega 10% prisutnih članova.

Ovakva odredba ne postoji u statutima drugih kolektivnih organizacija iz okruženja. To znači da svega 5% članova (većina) koji su na taj dan došli na sjednicu mogu da odlučuju o sudbini svih drugih članova i AMUS-a, bez obzira koliko novca muzika tih članova doprinese AMUS-u.

Glavna svrha postojanja AMUS-a je da prikuplja i raspodjeljuje novac od korištenja muzike. Koliko muzike toliko novca. Što se više novca prikupi od muzike članova, više ga ima za kolektivne potrebe svih članova AMUS-a uključujući i Fond za kulturne i socijalne namjene. Na ime muzike velikog broja članova, AMUS prikupi manje od pet KM godišnje. AMUS prikupi više novca na ime muzike top pedeset članova, nego na ime muzike svih ostalih članova zajedno. Statut AMUS-a navedenu činjenicu uopće ne uzima u obzir. Umjesto toga, primjenjuje se pravilo jedan član – jedan glas, kao što je pravo glasa u državi. AMUS nije država, AMUS je privatno udruženje svojih članova koje živi od muzike i uspješno je onoliko koliko se koristi muzika tih članova. Kada bi se top autori odlučili isključiti iz AMUS-a većina novca koji AMUS prikuplja bi nestala. Odluke AMUS-a se najviše odražavaju na top članove Udruženja. AMUS kao kolektiv ima interes da oni članovi čija muzika se sluša i čija muzika donosi najviše novca učestvuju u odlukama o upravljanju. Zato je Poslovníkom o radu Skupštine određeno da kvorum mora uključiti barem 25 od top 50 autora, navedeno je bilo predviđeno i dozvoljeno Statutom. AMUS je prevazišao pravilo jedan član – jedan glas, kao što su prije AMUS-a to pravilo prevazišli i napustili HDS Zamp, Sokoj, PAM CG i većina kolektivnih organizacija u Evropi i svijetu.

# II – Predložene Izmjene i dopune Statuta AMUS-a

Prema predloženim Izmjenama i dopunama Statuta svaki član AMUS-a nastavlja biti član Skupštine AMUS-a. Svaki član ima pravo da prisustvuje svakoj sjednici Skupštine! Svaki član AMUS-a ima pravo da učestvuje u svim diskusijama na svakoj sjednici Skupštine!

Samo oni članovi koji su u aktuelnom sazivu Skupštine AMUS-a mogu donositi odluke na sjednici Skupštine. Aktuelni saziv Skupštine čini svaki član koji je za tu godinu, barem minimalno, zadovoljio objektivni i transparentan kriterij:

- a) da je državljanin BiH,
- b) da je član AMUS-a najmanje tri godine,
- c) ako je autor popularne muzike, da je u posljednje tri godine prosječno ostvario na ime tantijema najmanje onoliko novca koliko predstavlja 0,1% ukupnog novca koje je za tu godinu prikupio AMUS od korisnika (ako je član autor klasične ili jazz muzike onda je postotak 0,01%).

AMUS djeluje u BiH i najviše znači onima koji žive i rade u BiH. Samo državljani BiH mogu da donose odluke o budućnosti AMUS-a, kao što je slučaj i kod drugih kolektivnih organizacija u okruženju. Tri godine članstva pokazuje ozbiljnost i kontinuitet rada te predanost profesiji. Toliko vremena i treba da se upozna rad AMUS-a i razumiju posljedice odluka koje se donose. EU Direktiva o kolektivnom ostvarivanju prava kaže da učestvovanje u odlučivanju može biti ograničeno dužinom trajanja članstva. Iznos tantijema je po svojoj prirodi objektivan i transparentan kriterij. Taj iznos se provjerava od strane revizora i Instituta za intelektualno vlasništvo BiH te članovi mogu kontrolirati ispravnost tog iznosa prema relevantnim zakonskim propisima.

Nije diskriminacija ako se ograniči odlučivanje na Skupštini po osnovu količine novca koju je kolektivna organizacija prikupila na ime muzike određenog člana. Ovo je više puta u svojim presudama potvrdio Evropski sud pravde, sa ovim se slaže CISAC, WIPO te kolektivne organizacije iz okruženja. EU Direktiva o kolektivnom ostvarivanju (pored dužine trajanja članstva) izričito određuje da se na kriteriju novca može ograničiti odlučivanje na sjednicama Skupštine.

Kako će se utvrditi aktuelni saziv Skupštine? Aktuelni saziv Skupštine će se utvrđivati svake godine. Neko može biti član aktuelnog saziva Skupštine jedne godine, a druge ne. Svaki član AMUS-a može postati član aktuelnog saziva Skupštine ako za tu godinu zadovolji minimalne kriterije. Ne postoji minimalni niti maksimalni broj članova aktuelnog saziva Skupštine. Svi koji se kvalifikuju čine aktuelni saziv. Nakon finalnog obračuna svake godine Upravni odbor će znati tačno koliko je novca prikupio AMUS za tu godinu. Izračunaće se 0,1% ili 0,01% iznosa i ti iznosi će predstavljati minimum za tu godinu. Ukoliko je osoba državljanin BiH i član AMUS-a 3 godine izračunaće se koliko je taj član dobio na ime tantijema od AMUS-a u prethodne tri godine. Zbir tantijema za tri godine mora biti veći od minimuma za tu godinu. Npr. ako je AMUS ostvario 1 000 000 KM, minimum od 0,1% je 1 000 KM (0,01% je 100 KM). Član koji je državljanin BiH je prve godine na ime tantijema od AMUS-a ostvario 250 KM, druge godine 330 KM, a treće godine 520 KM, trogodišnji zbir spomenutih tantijema iznosi 1100 KM (što je više od minimuma godine koju smo uzeli za primjer – više od 1 000 KM). Član iz primjera bi bio član aktuelnog saziva Skupštine AMUS-a.

Članovi AMUS-a koji žele biti članovi aktuelnog saziva Skupštine će biti motivisani da stvaraju novu muziku u nadi da će ostvariti više tantijema i kvalifikovati se za aktuelni saziv. Oni članovi koji ne stvaraju muziku ili čija muzika se ne sluša, neće biti dio aktuelnog saziva Skupštine kada ne budu zadovoljavali godišnje minimume. Na ovaj način će se aktuelni saziv Skupštine AMUS-a mijenjati, rasti i smanjivati u zavisnosti od toga koliko koji član AMUS-a je uspješan u stvaranju muzike koja se stvarno sluša. To čini ovaj sistem pravednim i na ovaj način se osigurava napredak kako članova tako i AMUS-a. Članovi aktuelnog saziva Skupštine moraju da prisustvuju na sjednicama Skupštine. U slučaju da se neki član ne pojavi na Skupštini, a nedolazak ne opravda, prestaje biti član aktuelnog saziva Skupštine. Predloženi kvorum je 50% aktuelnog saziva Skupštine + 1 član, ista je praksa i u drugim kolektivnim organizacijama. Tako će se osigurati bolja reprezentativnost i istinska volja onih članova koji najviše doprinose AMUS-u i muzici u BiH.

# III – Druge prednosti Izmjena i dopuna Statuta i drugih akata AMUS-a

**Svaka od predloženih Izmjena i dopuna predstavlja poboljšanje u odnosu na Statut AMUS-a u sadašnjem obliku. Samo neke od tih prednosti su:**

- uslovi za članstvo u Upravnom i Nadzornom odboru su mnogo pooštreni, isti su usklađeni sa realnim zahtjevima ovako odgovornih pozicija;
- uveden je Sud časti AMUS-a koji će odlučivati o disciplinskim mjerama prema članovima koji nanose štetu AMUS-u i drugim članovima koji ometaju disciplinu u Udruženju;
- Statut je u cijelosti usaglašen sa pravilima CISAC-a, što je obaveza AMUS-a;
- uvrštene su najbolje prakse kolektivnih organizacija te ispravljeni uočeni nedostaci, što je zakonska obaveza AMUS-a;
- predviđeno je suspendovanje članova Upravnog i Nadzornog odbora koji ne dolaze na sastanke ili koji neprimjereno ometaju rad ovih tijela (neće više ni moći naplaćivati svoj nerad);
- definisan je sukob interesa da bi se onemogućilo da članovi ostvaruju neprimjerenu privatnu korist na štetu AMUS-a i drugih članova;
- uvedene su odredbe iz EU Direktive o kolektivnom ostvarivanju autorskih prava;
- predviđena je mogućnost davanja punomoći za sjednice Skupštine, održavanje elektronskih sjednica Skupštine AMUS-a te brojne druge izmjene tehničke prirode da se Statut u cijelosti uskladi sa zakonskim pravilima o autorskom pravu i o kolektivnom ostvarivanju autorskih prava u BiH. Uređen je i usaglašen i Pravilnik o radu Skupštine AMUS-a.

## **Asocijacija kompozitora-muzičkih stvaralaca AMUS**

Trg solidarnosti 2a  
71 000 Sarajevo,  
Bosna i Hercegovina

Tel.: +387 33 20 56 00  
Tel.: +387 33 25 53 00  
Fax.: +387 33 21 82 58

[www.amus.ba](http://www.amus.ba)  
[strucnasluzba@amus.ba](mailto:strucnasluzba@amus.ba)

### **PODRUŽNICA BANJA LUKA**

Veselina Masleše 1  
78 000 Banja Luka, Bosna i Hercegovina  
Tel/Fax: +387 51 21 74 77

### **PODRUŽNICA MOSTAR**

Kneza Branimira 6  
88 000 Mostar, Bosna i Hercegovina  
Tel/Fax: +387 36 32 20 22